

BASES DO CONCURSO

Escola dEPrensa El Progreso

O diario **ELPROGRESO** convoca o concurso Escola dEPrensa El Progreso.

Quen pode participar?

Poden participar os alumnos dos últimos cursos de Educación Primaria (5º e 6º) e Educación Secundaria Obrigatoria (1º a 4º de ESO) de calquera dos centros públicos, privados ou concertados da provincia de Lugo.

Cada centro deberá presentar **polo menos unha páxina de xornal en cada unha das cinco categorías (información, entrevista, reportaxe, reportaxe gráfico e opinión/crónica)**. Non haberá equipos coma en anos anteriores nin será preciso facer un xornal enteiro de 32 páxinas. **Con esto preténdese abrir o certame a colexios máis pequenos, que tiñan problemas para facer as 32 páxinas das anteriores bases.**

Cómo inscribir aos equipos?

Para participar no concurso, é necesario formalizar a inscrición antes do 15 de novembro de 2018, cumprimentando os formularios que atoparedes en www.escoladeprensaelprogreso.es

É imprescindible que nel queden reflectidos todos os alumnos que participen na elaboración das páxinas do xornal, así como o profesor que os dirixirá.

Ademais, os participantes de cada centro educativo terán que enviar unha gravación en vídeo (duns 3 minutos de duración), na que farán unha presentación do mesmo.

De canto tempo dispoñen?

O concurso prolongarase dende o 15 de novembro de 2018 ata o 16 de maio de 2019. Os gañadores daranse a coñecer a través de **ELPROGRESO**, nas súas edicións en papel e dixital, nunha data que se anunciará nestes mesmos medios coa suficiente antelación.

Categorías

O xurado seleccionará as páxinas gañadoras por cada categoría:

- 3º CICLO DE PRIMARIA
- 1º CICLO DE ESO
- 2º CICLO DE ESO

Premiarase o esforzo daqueles alumnos que realicen o mellor traballo en cada unha das seguintes categorías:

- **Entrevista**
- **Reportaxe**
- **Fotografía**
- **Artigo de opinión/Crónica**
- **Información**

Cada colexio poderá concorrir co número de páxinas que queira, pero como mínimo deberá presentar unha páxina en cada unha das cinco categorías por ciclo.

Cada páxina non pode ir asinada por máis de tres alumnos.

As distintas categorías poderán quedar desertas no caso de que o xurado estime que ningún dos participantes reúne no seu traballo a calidade suficiente.

Premio ao mellor vídeo de presentación

Os equipos deberán enviar unha gravación en vídeo para presentar ao grupo. Todos os vídeos de presentación colgaranse na páxina www.escoladeprensaelprogreso.es.

Para otorgar o premio, o xurado valorará, ademais da orixinalidade, a naturalidade e o dinamismo dos presentadores. Tamén a creatividade global dos mesmos.

PREMIO

Todos os grupos participantes deberán incluír un traballo (artigo ou reportaxe) sobre os beneficios do leite na alimentación, a súa produción ou a importancia do sector lácteo na nosa provincia. O mellor traballo, ao criterio do xurado, recibirá un premio.

Pautas de elaboración das páxinas

Cada páxina será elaborada nun documento de tamaño A3 (420x297 mm).

ELPROGRESO porá a disposición dos equipos un maqueteiro, ao que se poderá acceder desde a web, para deseñar as distintas seccións.

Na elaboración dos textos, poderán utilizarse os idiomas galego, castelán ou inglés.

As fotografías utilizadas deberán ser orixinais ou contar coa autorización do autor para a súa inserción na publicación.

Unha vez rematados os traballos enviaranse en formato orixinal e en PDF por correo electrónico. En todos os casos, os envíos do material deberá realizalos o profesor/titor, a través do correo electrónico que se habilite para o proxecto. Non se tomarán en consideración os traballos que se envíen por outras vías e sen a supervisión e autorización expresa do titor.

Criterios de valoración

Na selección do traballo gañador valoraranse a calidade e orixinalidade dos contidos publicados e o deseño da publicación, con criterios equivalentes aos que se utilizan para a elaboración dun xornal.

ELPROGRESO designará aos membros que formen parte do xurado do concurso, que será o encargado de fallar os premios en cada

unha das categorías indicadas. O xurado estará formado por especialistas en xornalismo e educación.

Gañadores e premios

Seleccionarase unha serie de traballos por cada ciclo educativo, que se imprimirán na rotativa de O Ceao. **Imprimirase un xornal de 32 páxinas por cada ciclo, que incluírá os mellores traballos dos alumnos deste ciclo dos diferentes colexios.**

Os PDFs de todos gañadores aloxaranse, para a súa consulta, en www.escoladeprensaelprogreso.es.

A participación no concurso implica a cesión en exclusiva polos autores a **ELPROGRESO** dos dereitos de explotación dos traballos, incluíndo os dereitos de reprodución, distribución, adaptación a outros formatos, recompilación e comunicación pública, en calquera dos soportes.

Os premios serán entregados nun acto público final.

Protección de datos

Os datos persoais dos participantes no concurso, tanto de alumnos como profesores, serán incluídos nos ficheiros que **ELPROGRESO** ten inscritos na Axencia de Protección de Datos, conforme á Lei Orgánica 15/1999 e ao Real Decreto 1720/2007 que a desenvolve. O nome e a imaxe dos concursantes, así como o nome dos centros aos que pertencen, poderán ser obxecto de comunicación pública que poida levar a cabo o **ELPROGRESO**.

No entanto, os participantes poden exercer os seus dereitos de acceso, rectificación, cancelación e oposición, previa acreditación da personalidade ou da representación, na dirección de **ELPROGRESO**: Puro Cora 3, 27002 Lugo.

Aceptación das bases

A inscrición neste Concurso supón a aceptación destas Bases, así como a decisión do Xurado